



833518

鄉郡南樓懷古

國朝

天津

天潢

南北世更迭江山人重輕
瀟湘世傳續續續續續續
遺恨幾時盡寸心千載生區區
夢花詠燒詩徐何成

滿城道中

學館三年夢西山此日行人生
兩屐足世累一簑輕

別湖水流合斷林烟補平誰能分
半壑相與結巖耕

夏夜

院靜復夜靜幽人世慮輕是非
容勿辨憂寵莫多驚

萬樹烏飛月千家犬吠聲夢回
無一事惟有紙窓明

重游源泉

三賢文集

靜修卷之三

奕

人世自人世偷然物外身滄溟
來照影白帽恐生塵

題壁雲封石攀花鳥護春今年
風景別開卷覺詩陳

張氏別墅

惡木推不去好山招未來豈無
平曠地當有妙高臺

芳草趨陰坐雜花隨意開東南
村落近試與問新醅

書堂旅夜

少小抱孤苦飄零重此行迂踈
從我好憂戚賴天成

風志存無幾羈懷觸又生寸心
同弱草歲晚怯霜清

二

淹留已半載去住意何深月色
一千里愁人方寸心

秋聲助搖落生理嘆浮沉松桂清霜滿哀歌動故林
生日

四十舉兒子明珠掌上希圭璋蒙養正朱密病防微
春露有時降孤雲何處飛悲歡共今夕餘涕不勝揮

虞帝廟

洛祀偏區宇空山餘帝宮皇靈有天在像設與人同
身世千年後塵埃百感中清泉分一酌毛骨潤南風

奇村道中

此日西塘路乘閑作勝游深深柳成巷脈脈稻分溝
白石長含雨黃花不受秋移居新有意試就野人謀

三賢文集

靜修卷之三

七

城南

山人懶動骨一出動經秋欲赴城南約如營海外遊
岸容收潦盡村色帶烟留禾黍歲將晚農家猶未休

有客

有客談稼穡對人增感傷自言二頃業不博半年糧
宿麥得春旱晚田經早霜無功一杯粥俯首汗如漿

早行

曙色景初動物情無久閑薄凌護頽岸落月淡空山
殘夢失逆旅少休期守關尋常午窻雨擁被聽珊珊

白菊

仙草尙孤潔東籬芳未芳精神渾是露氣勢已無霜
夜月藏不得晚風吹又香天教陶鼎節素髮與交光
水亭夏日

孤亭耿獨坐一碧淡凝秋氛雜市聲遠空明雲影留
傷時仍磊磊對景卽休休幾欲解維去乾坤無釣舟

野興

乘興閑登眺歸來晝掩扉靜中見春意動處識天機
大節始終論全才今古稀平生有舊約常恐寸心違

秋望

病骨秋偏早單衣露亦寒微雲生水際曠色起林端
三賢文集 靜修卷之三 奕

地迥月遲下樓高山易殘輕風吹欲舉醉袖拂層巒
雜詩

堯山唐故國淳朴帶遺蹤種菓收奴力開田享素封
來收多上藥景仰近神峯夢寐驅黃犢巖居一老農

二

冀北高寒境英靈海嶽全斯文若程邵家世亦陶燕
祀典今誰舉遺經會有傳吾鄉此盛事瞻仰在他年

三

何事招提好山深馬可驅松巢低映帽竹溜細通廚
霜粟千封戶雲屏四畫圖冠巾如我用白鹿起規模

巖居訪高道少日在風塵回首話前事低眉厭此身
江山資寇盜田畝化荆榛領取天倫重無君愁殺人

五

水遶千山合雲藏數畝荒初尋香有陣漸入翠成行
豚奔依危石牛蹊帶小塘團茅庵如畫可惜是逃亡
早發濡上

寒出防優逸詩情非浩然烟濃山失色雲重雪連天
坏戶仙游上水髯老境前別家忘再宿桑海問何年

偶書

三賢文集

靜修卷之三

充

擾擾推遷裡誰知不偶然要從人力外推見事機先
青白天公眼低昂造物權俗情謾悲喜倚伏有他年

宿田家

偶到田家宿歡迎如遇仙杯盤陳戶側妻子拜燈前
青白眼誰靜炎涼情易偏豈知人世外還有野夫憐

半世

半世恒棲托孤生被險艱寡言非蘊蓄福性類清閑
生計朝霞上交情暮雨間柴門本無客幽僻况長關

重渡滹沱

遙臨滹水岸回望土門關秋色嶮巖上川形拱抱間

分疆人自隘設險地誰慳欲問前朝渡江鷗故意閑

恒山樓

萬嶺尊恒嶽遺臺枕後潭仰高懸對坐哭險負奇探
影落滄溟北雲開斗柄南山靈憐野客今夕費烟嵐

登鎮州陽和門

百尺市門起重過爲暫停豪分秋物色米聚趨襟形
北望雲開嶽東行氣犯星憑闌天宇在人事聽浮萍

辛巳中秋旅亭獨坐

分光陰太盛無力掩蒼溟大塊供微黑高天失舊青
興從愁外發秋向露邊零點數山河影依稀見草亭

三賢文集

靜修卷之三

七

文章

文章費餘力齒髮愧初心璞有連城璧精非百鍊金
靜中天地我閑裡去來今鳥散爐薰盡長歌激暮陰
一身

一身能換骨毛髮散冲融氣變精神後人生感化中
朝陽方杲杲春意正濛濛百載唐虞德方成比屋功

周邵

百年周與邵積學欲何期徑路寬平處襟懷灑落時
風流無盡藏光景有餘師辜負靈臺境圖書重一披

上塚

過家來上塚顧影念孤蹤春露歡迎失寒泉感激幾
千金一毛髮十夢九音容不惜從黃壤多慙未了胸
書堂旅夜

丈室不自掃寸心徒爾豪世途仍險阻風物故蕭騷
皓月霜洗淨明河天放高空庭一片石獨坐首頻搔
過堂水望堯山

神化大無外名山能幾峯威顏渾咫尺天日尙雍容
滿坂堪飢死重華有舊蹤三謨讀未老於此卜巢松
過奉化先

閩遼承宋統此志亦雄哉置縣名猶在因由勢已摧
三賢文集 靜修卷之三 主

百年元魏史千古汝南哀華表鶴應有悲風海上來
雜詩

聞昔飛狐口奇兵入擣虛人才九州外天道百年餘
草木皆成駢衣冠盡化魚遺民心膽破諱說戰爭初
二

關嶺通山後風謠探路傍地寒人好壽草淺畜宜羊
用水如奴婢從川貯米糧西風如有約乘興卽吾鄉

野興

莽莽榛蕪路蚩蚩魚肉民乾坤幾逐鹿今古一傷麟
眼底人間世胸中物外春江山滿花柳無負百年身

秋日

山人久不出今朝天氣清秋光濃可掬草色翠相迎
捫蝨暮山碧敲門新筍生歸來重回首佳處未忘情

山中憶故人

故人南郡去消息久無聞瑤草正堪種白雲誰共分
屋梁驚落月鵬翼賦垂雲歲暮一樽酒高歌如見君
夢採松脂及甘菊

棲遲負松菊夢寐得甘馨隱逸喜同臭流高味獨青
人誰借三徑天欲制頽齡毛骨清猶在桃邊霜露零

種杞

三賢文集

靜修卷之三

七

法出千金要畦容一席分灌苗身已健採實夢先勤
白棘憑誰辨靈寵只自聞知音九節杖惟有華山雲

戲答人送鹿皮冠

麋鹿山林性文章冠冕材頭顱如有此巖穴更悠哉
老筆天機在空梁月色來桃椎應似我人世莫驚猜

觀藥爐自戲

無病不服藥

康節語也

此懷清更嘉歐陽或有道韓

子豈無瑕羸疾嗟予久名方信彼誇回頭謝鷄犬何

日是僊家

退之服硫黃一疾訖不痊樂天詩也赤公共遊也不惡誰能忍飢啖仙藥已將壽天

付天公彼徒辛苦吾差

樂東坡序歐陽子語也

地髓服仙草黃精失採花徵求遍親友炊爨罄樵車
屢敗從人笑偶成容我誇側聞僮僕語辛苦是仙家

閻竇氏名方

人從大節論士尚絕無求獻可有先見老泉多遠憂
方書空物齊耆舊盡山丘矯首候斜日窓中倦鳥投
眼醫詩卷

火景元中暗月光徒外明每當天抹漆未便目無睛
暗自何年有明從底處生若知當告我心事在蟾精

楮母節孝詩卷

三賢文集

靜修卷之三

室

寂寞吾鄉國才難婦愈賢題評慚我後旌表聽人先
艱苦初心盡安榮老境偏幽潛天有待留看百來年

張監院過

有客敲門久山人與鶴歸論文翻草本換酒當蓑衣
暫會還成別相歡且莫違明朝誦佳句北望謾依依

寄彥通

吾子今應徙山人老已癡迹藏高着眼興廢大觀棊
感遇渾非昔忘懷若有思絃歌吾舊隱寂寞暮春時

送友生

無人慰幽獨之子罷登臨野鶴籠中態翔鴻天外音

吾儒關世運晚節見初心有問山間事白雲今更深
盧學士按察江東

不廢芻蕘賤狂言試一聽品題停月且言動律東銘
飲少得真樂吟多損性靈清燈四書外澹泊養遐齡

郭判官按察廣右

謝病三公祿分司五嶺南桂山天下秀憲府百僚叅
夜泊防風浪晨征避瘴嵐遙知慈母念先汝過湘潭

張察院分司臨安

餘杭古佳麗御史重分國井昔足爲養江山能助詩
梅花春早晚潮候月盈虧料察先從此陰陽恐失宜

三賢文集

靜修卷之三

七

送仲常遊北岳

大茂玄都闕空山拱萬靈風霆凜神化河海盡襟形
昂筆空留影幽并未了青追風王制變僭祀世塵腥
禮樂心雖切煙霞骨有銘長懷七十戶爲我謝僊屨

送郝季常赴正陽幕

上黨清涼界超然慕白雲名家得之子勝境苦平分
鼓角生新壯詩書失舊勤江淮古形勢有樂在從軍

送成都術士

邵子不言命相逢盡此觴風煙雙白鬢身世一青囊
玉壘浮雲變峩眉落日蒼西游吾有意先爲謝巖揚

宣慰孫公慶七十詩并序

至元二十七年冬與處士張君察院張君提
舉郭君都事張君飲授堦君所工匠提舉
孫謙繼至察院曰是家古世官也將申氏四
世矣今其翁正議公階是爲宣慰使歷事四
朝登秩二品有子若孫皆佩金紫鬪戎七十
尚躍馬不衰維爵與齒實一鄉之望凡所與
游禮宜往慶在吾輩慶宜有詩於是約各爲
詩一首言韻古律不拘旣成俾諸孫捧觴歌
以獻壽公宜每篇爲盡一觴不辭十二月二

三賢文集

靜修卷之三

壽

十九日樵庵叙

爲仁存世職得壽見陰功家產千金厚官銜二品隆
子孫皆貴顯飲啖尚豪雄五福誰全備吾鄉有此公
何大夫壽

近親宜致敬結友合升堂薄俗隨遷變淳風墮渺茫
吾人今復古此日得稱觴高詠靈椿句曠山暮色蒼

二

去歲稱觴後今朝重過庭將軍不好武宅相舊明經
拙宦俱行樂忠臣見典刑北堂羹竹石歲晚未青

示張源

堂高餘慶在道重，曾齋傳洗眼。名家後驚心，大學年
白頭。負風鑒寺佩，見時賢。明日鹿門隱，須君拜我前。
感事

聞氣來西極，逢時稱世賢。學隨人望盡，家要後生傳。
魏野赤松句，堯夫洛社篇。卜鄰曾有願，聞訃重凄然。
贈答徐生

三年不窺牖，城府有山深。於道無少得，多君肯見臨。
一盃上地飲，千古水仙音。爲子終宵話，相期勞寸心。
旅夜

欵枕寂無寐，沈思坐不禁。靜中天地我，闕裏去來今。
三賢文集

靜修卷之三

七六

磊磊平生事，休休今夜心。何方有邊戍，雲外急清砧。

虞帝廟

四顧莽何際，威靈儼若臨。山厠尚淳朴，天地自高深。
鳳鳥千年嘆，簫韶三月音。玄功久無復，徒抱致君心。

登保府市閣

十載鷄泉隱，今朝市閣晴。民謠混諸國，里號帶軍營。
瀛海依依見，堯山隱隱橫。懷今與思古，獨立若爲情。

憶金坡道院

平昔多游覽，茲游不易忘。澗淙春脉脉，松石晚蒼蒼。
有客愛山谷，無家名草堂。金坡從此號，聊著豕和羊。

寒夜

肝膽了無寐襟懷誰與同
更長頭可白燭暗火愈紅
硯滴水生癭星流氣吐虹
林鴉先我起鳴噪竟何功

移甘菊

移晚戒前歲植根先此秋
親舊杖履遍嚴課僕童憂
小藥終年計新莢一飽謀
區區嘆苾棘陸子謾多愁

採野苳

糞壤自肥膩靈苗絕世紛
炊餘香更美甘出苦難分
宜酪法新得輕身方久聞
野人聊自享未敢獻吾君

食菰白

三賢文集

靜修卷之三

七

採食陂塘利分甘野老心
杯盤收浩渺蘋藻避清深
命婢卽能識招鄰亦見臨
吾鄉希此味咀嚼有吳音

酒令

觴至欲何語令嚴當謹聞
茅容唯問稼李白只論文
且喜無多客母辭過半醺
故人知此老舉白解浮君

蕩尊

宋祕監
索賦

南園有奇竹天然成酒尊
來因交趾使價重祕書門
含蓄中誰似堅貞節尙存
盤桓古人意觀象可忘言

鸚鵡

風雨房櫳暗猶疑隴樹昏
無愁綠得食有夢想高飈

巧語難自脫深憐未是恩人情多好異渠豈不能言
宋道人八十詩卷

往事枕中記新編桂下言知音有銅狄逸史訪金源

春露霑濡際秋陽想像存初逢疑夢寐垂泪拜桓温

宋貌絕
肖先子

鄉人王母九十

九十青瞳母寒温白髮孫桑田闕滄海冠屨記金源

案上春風橘堦前雪色萱移家就鄰舍種杞易陽村

寄答祖丈

光友從遊地雍容几杖尊秋風太古觀春日樂郊園

三賢文集

靜修卷之三

庚

妙理欲自得高情誰與論別離空六載期待負知言

楊子忠總管福州

燕趙多豪傑楊侯氣自奇風流循世胃開爽亦天資

尊俎論交地江山送別時閩中有佳政聊用慰想思

送尹宰

百里衡山縣千年陸宰名鄰封今見此鄉校可無評

俎豆欲成趣絃歌漸有聲涑陽吾舊隱聞去亦關情

送成判官

釋菜成鄉約從君此例新歡遊渾幾日離索又殘春

相愛求詩切臨行枉駕頻幾年人事絕送子爲情親

送成從事

易水河梁夢回頭已十春相逢驚我老送別向君頻
求贈攀前例將詩認故人故山松菊在歸去未全貧
寄子東太守

一夕西山客十年往事非黃塵驚我老青眼似君稀
別浦秋容靜離亭草色微殷勤重寄謝後會不應違
送東海相士

青鏡雲千變紅顏酒一卮忘言三日雅觀化百年期
烈火誰當掬神游亦自奇海山如見問聊舉送君詩

感范女

三賢文集

靜修卷之三

无

房望吳中范衣冠相國孫風流猶李白樵爨已陳雲
感事哀龍種慕名重虎賁乾坤厭更迭誰與掬紛紛
贈答學者

士論清修品天然孝友資從游無少補離別有深思
貧說長年在文驚近日奇吾言不足重愛子欲何爲
西市藥隱

之子隱於藥四休今不孤藏名那論價得號尙嫌壺
知足隨處樂忘機一事無東鄰開小徑茗椀不須呼

獨立

恒竹精英大直衝昂畢星初疑元氣白橫界太虛青

欲與河漢其不隨霜露零相看一杯酒連夜立中庭

嘉甫從親王鎮懷孟

茲游真可樂苑更扮掄孝弟燕南選文章郝氏徒
早年多急難晚節足歡娛寄語賢兒姪詩書是遠圖

哭松岡先生

徙舍勞親意擇師得子賢從游無半載瞻仰似千年
文字雖時樣規模有正傳門生感知已佇立一潛然

哀徐生

去歲登高句霜楓秋幾多東籬成惡識西郭動悲歌

天道憐槩在吾文奈爾何送君紅樹下風葉尙吟哦

三賢文集

靜修卷之三

全

生且死求子銘為不朽
計東籬事見擊壤集

烏古論顯之母夫人挽章

冠帔金源舊門闌戚里榮鶴悲人世短銅泣露繁輕
往事驚波去新墳宿草生烏啼原上樹霜月有餘清

侍其提學哀挽

初遠過庭訓擇鄰得子賢春風渾一月恩制欲三年
步武思猶在頭顱愧所憐念親仍感舊欲語淚如泉

名賢張國綱挽卷

良鑒不出戶真隱要逃名宿草今如此春風宛若生
一囊三世藥兩子萬籬金平昔憂多病懷賢倍有情

劉仲文挽章

并序

仲文名郁柳州蒲溪人少從事亳府軍謝病
歸杜門不出以春秋左氏學爲業所居里名
黃臺因以爲號後仕京師爲將仕郎年六十
餘命酌賦詩而終子元今爲太常奉禮郎

楚塞十年役黃臺一室春從軍有何樂學道不知貧
生子爲名士居鄉稱善人死生無所恨今古一丘塵
哭張之傑

義許同生死奪君何遽然無人共清夜有泪葬黃泉
苦疾求予禱遺孤託我憐傷心墓頭字旌孝看他年

三賢文集

靜修卷之三

全

予題其墓道
爲張孝子墓

哀郭勸農

才命不相偶如君良可嗟半生在人下一死更天涯
三歲同君里前年過我家相望已塵迹零落舊烟霞
願齋張先生挽詩

與先奉直府君
同任金太學

耆舊晨星盡公亡益可嗟先人曾共學穉子與通家
白日明心素青山點鬢華封龍餘爽氣誰與酌烟霞
集杜句贈王運同彥材

霄漢瞻佳士公侯出異人家聲同合問文雅見天倫
玄朔巡天步危樓望北辰燕王買駿骨黃閣畫麒麟

妙譽期元宰蒼生倚大臣蛟龍得雲雨鵬鷲離風塵
治國明公在雄圖歷數屯世儒多汨沒賢俊贊經綸
開闢乾坤正調和鼎鼐新弼諧方一展風俗盡還清
經濟宜公等泥塗在此身尊榮瞻地絕感激畏天真
交態遭輕薄浮生有屈伸嗟予意輒軻撫迹獨酸辛
留滯才難盡蒼茫與有神形容真潦倒世業豈沉淪
倚著如秦蕢逢迎念廣珍壯心久零落敗績白逡巡
載感賈生慟難甘原憲貧邵平元入漢王粲不歸秦
回首軀流落生涯脫要津稻粱求未足台衮更誰親
碧海真難涉蒼鷹愁易馴君能微感激何處不依仁

三賢文集

靜修卷之三

全

七言律

春陰

淡淡春雲暖更輕一身酒力若雲生無人也笑樂所
使未醉先休氣始平時雨霑枯或有葉微風著物不
聞聲人生日用本無事閒倚西窓候晚晴

秋日有感

自恐規模日蹙然每便孤坐靜無邊仰觀俯察無多
地往古來今共此天或智或愚能幾里一鳴一止又
千年南山正在悠然處目送歸鴻手絕絃

多病

多病年來放盡慵一龕堅坐避深冬欲忘言處飲先
醉不得意時由故濃只許國人知我陋見邵子無名公序無
妨高論笑吾庸見司馬公庸書序西巖近有仙芝種爲謝白

雲著意封

日午

日午雲輕草色蘇出門杖履自徐徐乾坤俯仰窺難
見花柳青紅畫不如靜處規模惟厭小動時文理却
嫌疎眼前光景無窮態註盡濂溪太極圖

偶成

一語未能分付時難言方信到真知道參天地用何
三賢文集靜修卷之三 三
小心有羲皇生豈遲後世直須要楊子百年卽我是
鍾期折花笑對滄浪影不覺東風就手

湖上

湖上幽居事事幽卧看書卷坐垂釣晴窓閑是長年
國暑簟靜爲無熱丘心遠何妨在人境室虛元自有
天游家人大笑詢生理報我西風咫尺秋

十月朔展省後古城有感

手線西風失弊衣高城烟樹掛斜暉徘徊飛鳥不忍
去蕩漾滄波如欲歸幾爲霜來驚露往每因物是見
人非詩書未辨鄉鄰化道德初心恐易違

道士孫伯英峇城故居

并序

伯英名邦傑世爲縣之貴族遺山元公爲作
墓銘稱其遊太學所與交皆天下名士氣甚
高見金世已亂天下事無可爲思得肆志方
外以耗壯心而老歲月遂爲黃冠師以終葬
毫之太清宮側時年五十一因兒時嘗見
先君子錄其家世文行之美以示鄉人今過

其居感而賦詩

政教才氣敵希夷冠帔翻然亦未宜誰辨胡寅論鴻

客

見讀史
管見

只除坡老識安期

見安期
生詩

可憐喬木空秋

三賢文集

靜修卷之三

禽

色惟有青山似舊時欲傳先賢問遺事故圍猿鶴不
勝悲

過鄉縣西方古故居

并序

右金大定間人嘗舉進士不第遂歸獨居一
室置琴書其側不妄與人交縣令佐公服侯
門亦以遜辭謝遣之有田數十畝食其所獲
如菽熟惟食菽鄉人好事者欲以米易之不
聽曰天所食者不可易也監察御史按行郡
邑聞其行上之不報其爲人蓋亦近於聖學
之所謂狷史家之所謂獨行者歟先父母每

舉以律鄉人之貪鄙者故鄉人至今能道之
古死無後其丘壠已爲樵牧區今過其居亦
莽焉荆棘中矣不覺感歎夫發潛德而紀先
賢實後生之責也顧力未能焉始題詩以記
先父之訓云

名姓初聞自過庭山田力食老窮經鄉閭月且歸公
論耆宿風流尙典刑感事重吟息繹集懷賢誰築聽
君亭還家遊子悲千種念舊思親淚最青

登雄州城樓

古戍寒雲接渺茫故鄉遊子動悲涼江山自古有佳
三賢文集 靜修卷之三 金
客烟雨爲誰留太行野色分將愁外綠物華呈出夜
來霜海門何處秋聲急極目滄波空夕陽

夢先隴

望望東阡見松桂孤雲爲我且踟躕十年一夢等閑
過四海此身何慮無千丈春暉空寸草萬山明月只
啼烏舊家三徑今誰主羨殺河汾有弊廬

宿玉泉村

先父嘗欲
卜隱于此

怪見清暉逼晚襟太行眉宇未消沉徘徊終日不忍
去寂寞高盟如可尋欲向孤雲問蹤跡只應老樹記
登臨棲遲零落今如此淚盡韋齋刻印心

外家西園李花

無邊情雪映柴扉夢裡繁華又一非人與山丘屬零
落天教草樹記芳菲每因寒節來相訪重爲餘香不
忍歸里社他年有成約結庵終擬號春暉

入山

草露珠絲晴日明亂虫秋意有先聲屈盤未轉坡陀
盡蒼翠忽從懷抱生一徑峯回失南北兩山雲近異
陰晴天公若會登臨意可信傷心畫得成

晚眺

巖姿濃淡似吾詩雲點青山學鬢絲老樹遺臺秋最
三賢文集 靜修卷之三 矣
早斜陽流水鳥偏遲無人能解此時意如我曾來前
古誰本爲登臨解陶寫豈知搖落更堪悲

山中月夕

滿懷幽思自蕭蕭况對空山夜正遙四壁晴秋霜著
色一天明月水生潮歌傳巖谷聲豪宕酒泛星河影
動搖醉裡似聞猿鶴語百年人境有今朝

惡鳥

山中夜夜聞惡鳥惡鳥聲中似訴渠氣連變遷皆以
類陰陽對待不相無形聲如此誰憐我天地初生已
有予能辨春風長白日願將花柳付提壺

五月二十三日登城樓

獨倚危樓數鬢毛，一簾輕燕晚涼高。
雲移山影亂初定，雨帶風聲來漸豪。
物外此天才一幙，人間何事不秋毫。
遠遊未盡平生興，幾欲狂歌續楚騷。

曉出西塘

塘水隨人緩步行，哀湍激石故輕清。
太行穠秀霜洗淨，全趙規模天鑿成。
偶爲登臨發悲詠，忽從毛髮散秋聲。
殷勤莫盡尊中酒，留到青山佳處傾。

南樓

登臨秋思動鄉關，展盡晴波落照間。
數老自非緣白

三賢文集

靜修卷之三

七

髮愛閑元不爲青山幾，經分合處良苦。
不管興亡，天自闢初擬，憑闌浩歌發壯懷。
空與白鷗還

夏辰

莫遣閑愁負此身，鶯花逐日是良辰。
乾坤痲痺元關我，土木衣冠亦象人。
大德豈容輕錄怨，小疵休廢更求淳。
此中空洞渾無物，萬紫千紅總屬春。

午

閑中何事不消妍，鳥戀花陰伴晝眠。
窗外雨晴山有暈，枕邊風息樹無絃。
面前多放寬平地方寸，嚴臨咫尺天。
萬古羲皇有餘意，不妨分我百來年。

新晴

小雨新晴草色蘇家園生理未全疎埋盆欲學魚千
里試地先栽芋一區時與老農談稼穡不因閑客罷
琴書乾坤妙處無人會卧看墻陰雀哺雛

野亭會飲

列坐平分草色勻四圍天設翠屏新不可一日無此
客安得四時長是春野鶴自成難進狀江鷗不作近
前嗔鳥聲自向花枝說好箇羲皇世上人

二

曳杖蕭然一幅巾山夫野老解相親橫身物內誰爲
三賢文集

靜修卷之三

次

我賦象天中彼亦人細數平生無此會不來一醉負
今春舉杯自壽復自笑萬壑烟霞吾豈貧

三

行樂人生當及辰今朝光景爲誰新林陰薄薄微露
日花氣溶溶暖著人春色十分看欲盡鳥聲千種聽
難真東風就手吹殘酒無限青山動翠鱗

淺酌

淺酌微吟意自真新詩改罷酒微醺流鶯暗逐春光
老獨鶴潛驚夜景分共見白駒如晚景豈知蒼狗是
浮雲無邊風月誰無分只恐靈臺未屬君

夢鎮州潭園 先父舊隱

昨夜分明是鎮州溪潭先子舊曾遊
竟來千里太行碧夢覺滿庭烟水秋
古淡園林無限意登臨今昔幾人愁
當年猿鶴應無恙爭信書郎謾白頭

過鎮州

太行迎馬鬱蒼蒼兩岸灘聲帶夕陽
霜與秋容增古淡樹因煙景姿微茫
閱人歲月真無謂得意江山差自強
曾記城南舊時路十年回首儘堪傷

井陘淮陰侯廟

飢僮羸馬倦重游萬將分兵坐此籌
滅項豈知秦尚三賢文集

靜修卷之三

允

在奪齊便覺漢無憂英彭一體誰遺類
絳灌諸孫自列侯愛殺鹿泉泉下水亂山百折只東流

二

許身良犬笑君癡快快難勝已自危
智數相催難免死才名如此豈無疑
兩年蕃鎮真猶假十載君臣喜又悲
最恨當時蕭相國直教三族到全夷

讀漢高帝紀

禮樂經秦掃地空遺民洗眼續王風
規模自襲挾書律舉措惟推約法功魯國
兩生心獨遠新城三老義誰同只知才到蕭曹盡可信
高皇是沛公

易臺

望中孤鳥入消沉，雲帶離愁結暮陰。
萬國山河有燕趙，百年風氣尚遼金。
物華暗與秋容老，杯酒不隨人意深。
無限霜松動巖壑，天教搖落助清吟。

秋夕大風有感

坤輿聞說若行舟，乘此真堪萬里游。
大塊氣豪知寡和，黃綉坐穩覺無求。
窓間小草根自賀，雲外高松聲亦愁。
明日西山想清瘦，天教老眼看晴秋。

盆池

自慚眼孔一盆多，奈此無邊風月何。
莫道渾非九雲三賢文集

靜修卷之三

卒

夢不妨能著，百東坡幹旋在手。
天隨轉虛靜，如心景自過。
誰弄扁舟，詫吳越爲言。
吾老怯風波。

水燈

南湖新綠破春容，一炬才分萬炬同。
共說金膏能有景，豈知陰火解生紅。
魚龍水樂三更後，星漢仙槎一色中。
喚起東坡看清曉，向來碧海又青銅。

方鏡

當年玉斧落何方，陰魄誰教擬太陽。
翻起坤輿看鷺背，借來心境發天藏。
衣冠嚴肅知無愧，肝膽輪囷覺有芒。
四海紅塵競白日，託身分我鏡中涼。

西窓

洛水秦山夢寐前
風流陳邵兩矐仙
中峯太華五千
仞皇極一元十萬年
斯役閱來歸舊隱
迷藏畫出稱
高眠人間此意今
誰會卧看西窓坐
暮烟

有懷

飄飄遺世覺身輕
尙友千年凜若生
瑞日祥雲程伯
子冰壺秋月李延平
浮沉滄海人事換
晴雪太行竹
字清曳杖歸來北
窓下一尊濁酒爲誰傾

記夢

并序

至元戊寅十一月二十四日夢十餘老翁衣

三賢文集

靜修卷之三

七

冠甚偉以章疏薦予章中署予爲金文山人
而見稱之語甚多旣覺惟記松栢歲寒桑榆
晚景之句而每句之下又各忘其六字遂以

詩記之

夢中說夢已成癡更擬從翁問所疑
松柏歲寒應有
謂桑榆晚景欲何爲
名書丹闕非吾望
家在金文不
自知果有仙山隔
塵土先生亦欲住
仇池

捲簾

捲簾雲樹散微明
淡似幽人百慮輕
真宰鏤雕亦良
苦
洪鑪消鑠似無情
空巖月出人境失
灝露秋巖山

氣生欲寫天機誰領會西風吹作棹歌聲

偶作

爲貪風月重登臨感慨幽懷不易禁靜裡形神君與
我眼中興廢古猶今區區此世真何物落落平生只
寸心聞道江湖好煙水飛鴻滅沒有遺音

高亭

高亭雲錦遶清流便是吾家太乙舟山影酒搖千疊
翠雨聲窓納一天秋襟懷灑落景長勝雲影空明天
共游笑向白鷗問塵世幾人曾信有滄洲

放歌

三賢文集

靜修卷之三

奎

未須鵬翼賦垂雲老眼冰壺亦自新碧落銀河見高
舉紅塵白日屬何人纍纍坐閱秋風客擾擾空悲地
上臣左挽浮丘一杯酒吾言誇矣不須噴

自適

久矣黃塵絕往還惟餘風月到柴關清霜烈日從渠
畏野鶴孤雲適自閑天上銀河連碧落人間秋色對
南山高吟大醉堯夫老只有豪誇不易刪

老岸

老岸陰陰雲樹清柴門寂寂綠苔生空明萬象隨月
出水墨四山因雨成千古期被茅屋百年人事短

燈檠道人不是悲秋客聽盡疎蛩夜夜聲

世上

世上悠悠儘自爭眼中隱隱放教平
飛蠅觸鼻人爭怒落葉臨頭我謾驚
既有陽秋暗消長何須青白太分明
蒺藜原上清霜重辛苦十年跌足行

幾葉

幾葉疎桐萬斛秋四山清露一窓幽
人能知足隨處樂心若忘機百慮休
事物閱來如有悟囊箱空憤已無羞
醉中曾聽家人語老子年來不解愁

萬古

三賢文集

靜修卷之三

三

萬古遺編未寂寥一窓風露晚蕭颺
有時陶令羲皇上何物元龍湖海豪
鼯鼠千鈞宜自惜蟾蜍寸鐵亦徒勞
年來點檢人間事問舍求田計最高

老大

老大情懷隨處樂幽閑氣味逐時添
平生長物不入室一日百錢輒下簾
題品雲山甯有諱收羅風月不妨廉
客來恐說閑興廢茶能呼棋信手拈

山石

山石那容玉獨堅人生磨滅殆天憐
畫蛇最戒足無用書馬常憂尾不全
誰見虎鬚真可捋自慚雞肋豈

勝拳誤人莫向婁師德不領春生未唾前

人生

人生底用廢閑思物理通來盡我師東雀猶能樂生
處秋花元不厭開時齊姜必娶終無偶秦越未生寧
乏醫若道終安須待足百年何日可伸眉

夏日卽事

迂疎爭笑近清狂多病筋骸可預防久乏園蔬因種
藥不留窓紙爲抄方閑從烏雀分晴晝靜與蛩螢共
晚涼莫道幽人好標致北窓自古有羲皇

冬日

三賢文集

靜修卷之三

苦

砂瓶豆粥土床烟中有幽人意漫然元晦居山豈懷
士仲尼微服卽知天閑中作計飽爲上書外論交誰
最賢小子應門當拜客病夫便靜乞相憐

午窓

終歲柴荆掩寂寥物情多忌恐難逃家居闕白惟求
省應物寒溫亦憚勞陳瓊只知炊餅大元龍新歷臥
床高午窓葉亂風成陣病擁紉衾氣尙豪

馬酒

漢家桐馬豈無傳力盡皮囊味始全胸次沃焦常八
九眼中駮牝少三千百杯雖有冲駒氣一慕何分救

勒天彼酪猶能奴命茗南風到此便凄然

平昔

平昔襟期鏡屢看而今涉世頗高年自憐不唾青城
地共笑仍憂杞國天履影無傷猶不忍吹壘雖誤亦
當然人間萬事空思遍依舊西窓理斷編

冬日

迂疎懶散百無能半似田翁半似伯製藥就圍煨芋
火檢方聊趁剝麻燈自知豪爽今無復共道癡頑舊
不曾閑倚南窓貪覓蝨敲門人怪不時磨

次人韻

三賢文集

靜修卷之三

七

樂天方識淡中甜安土無妨著處粘道在市朝皆可
隱機忘鷗鳥亦無嫌窓虛不礙山雲度樹老慣經秋
氣巖世上閑愁渾幾許而今青鏡滿霜髯

中秋

天借無雲雨借晴月邊涼露滴無聲只知老子興不
淺誰信太虛白亦生四海惟當共人影寸心直擬配
高明二句夢中得乾坤元有冰壺在回首紅塵意未平

人情

人情雲雨九疑山世露風濤八節灘共說長安如日
近豈知蜀道比天難浮航莫笑腰舟渡坎井終當繫

水觀會取登高有良法此身何地不平寬溫公曰登
高有法徐
行則不同脚踏
實地則不危

有客

門前有客通名姓一別十年記憶無鬢髮俱驚各衰
自行藏已涉幾榮枯急呼滿酌辭酷軟聊用親嘗補
飯簾深感故來兼久候送歸雖病不須扶

夜雨

夢覺呼童問幾更未磨先作不平鳴山深六月有秋
意夜靜滿城惟雨聲四海虛名此身愧百年浮世寸
心驚誰教簷溜如愁思欲斷還連重到明

三賢文集

靜修卷之三

美

現前

萬事徐無取現前此身隨處可用旋居南懷北豈安
土已夏顧春非樂天誰謂包涵心有外我知彌滿道
無偏洞觀今古平平在賸盡區區智與權

上塚

鄉鄰見戲說兒童日日相邀社酒同故國無家仍是
客病軀未老錯呼翁里胥驗帖徵游戶縣長聞名謁
下風欲向溪南訪喬木不禁烟雨正空濛

桃花菊

東籬元不是天台誰挽春風到酒杯丹藥有靈能換

種黃花從此不須開已經晚節霜才識不是寒香蝶
亦猜老眼淵明不今古幾回春去復秋來

夏日幽居

隱几南山意獨長回看塵世易炎涼栽培得力江陵
橘薄惡傷心陸氏莊莫就一時論絳灌要從千載到
羲皇人間何處菟裘好擬問希夷買睡鄉

二

閉門終歲淡無求雲雨人情亦可憂斗酒難酬滿車
望杯羹直結殺身愁平生幾兩謾多苦一日百錢姑
少休山鳥不鳴林影靜臥看蛛網掛蜉蝣

三賢文集

靜修卷之三

七

夏日飲山亭

借住郊園舊有緣綠陰清晝靜中便空鉤意釣魚亦
樂高枕臥游山自前露引松香來酒盞雨催花氣潤
吟賤人來每問農桑事攷證床頭種樹篇

晨坐

共笑龕中坐已癡環堂燈火誦聲遲人才興晉世所
係瓶水温涼天可知差健每因多病後一寒偏怯欲
明時三年馬隊成何事採菊南山舊有期

與客會飲野亭

遙岑一碧淡相依野態行雲共意遲多病留侯寧復

偉長身諸葛但如癡想思千里尊酒盡永嘯一聲小
鳥悲風袖翩翩似何處青林西北雨來時

過徐橋

老岸石欄嘴色分只疑身是入山雲十年往事不同
顧百里清泉如可聞人世誰教有長路坤靈終亦化
塵氛興亡更遣陂塘在幾欲悲詩酒未醺

白溝

寶符藏山自可攻兒孫誰是出群雄幽燕不照中天
月豐沛空歌海內風趙普元無四方志澶淵堪笑百
年功白溝移向江淮去止罪宣和恐未公

三賢文集

靜修卷之三

祭

過東安趙宋先塋

五季風烟慘畫甍渠兒有志亦雄哉累朝禪策皆虛
器千古黃袍又厲階文物漢唐今已盡史編南北更
堪哀荒墳一品知何處猶遣石麟草半埋

過東安

干戈天亦厭紛紛豪聖千年共幾君太祖無心亦徒
說吾兒有志更誰云悲歌莫管千秋後王氣應無一
品墳今古區區等如此五陵哀鳥入秋雲

登武遂城

神州英氣鬱高寒臂斷爭教不再連千古傷心有闕

運幾人臨死問幽燕平生臥榻今如此百萬私錢亦可憐咫尺白溝已南北區區銅馬爲誰堅

登中山城

黃金一夕冷如鎖劉項蕭然恐未真世事惡盈應有數天心撥亂豈無人陵遷谷變橫流地卵覆巢傾死

節臣毛髦諸孫生氣在九原精爽凜猶新

予曾伯祖奉讓府君

貞祐初死節中山而舉族沒焉

望易京

亂山西下鬱岵巽還我燕南避世蒿天作高秋何索

漢雲生故壘自飄蕭誰教神器歸群盜只見金人泣

三賢文集

靜修卷之三

完

本朝莫怪風雷有餘怒田疇英烈未全消

七月九日往雄州

秋聲浩蕩動晴雲感慨悲歌氣尙存灑落規模餘顯

德承平文物記金源生存華屋今焦土忠孝遺風自

一門白髮相逢幾人在蒼煙喬水易黃昏

武陽故臺

仁義徒令此舌存輒環初不捄紛紛天公欲爲秦漢

計野色更無燕趙分滿眼兵塵餘故壘一聲樵唱入

秋雲擬乘碣石觀滄海易水東流去不聞

鄉先生漢韓太傅嬰墓

章句區區老益堅百年軻死已無傳四詩今併毛公
廢三策聊存董相賢祀典曾聞鄉社在荒墳重爲里
人憐絃歌燕趙今誰見高咏周南獨慨然

定興文廟枯杏復花其尹求詩

縣吾奉議
府君故治

手澤天教檜葉存窮鄉枯朽亦霑恩敢將吾道論榮
悴且喜甘棠見子孫但使儒林有根柢會看寒谷變
春溫題詩當作諸公唱百里東州又故園

宿華陽臺

石徑盤盤擁亂霞雲間雞犬是誰家空山月出人境
失高樹露涼秋氣加蜀道青天休種杞武陵流水漫
三賢文集

靜修卷之三

百

尋花太行東北三千里盡借晴嵐染鬢華

又

夙志經綸尚未乖消人閑去只蓬萊龍門正要書堂
在天柱誰分戶帖來雲外久遲黃鶴至夢中曾採紫
芝回秋風何日飛來得重免移家載酒歸

飲聞雞臺

出門人事厭紛紛春色三分已二分十步離山九回
顧一杯到手百無聞蒼茫天地有如此磊落古今何
獨君欲向荒臺問遺跡水明沙浦只行雲

宿鄉僧致公房

倦客歸來借夕眠，偶因相敬識君賢。
常勤有酒邀陶令，每愧無衣謝太顛。
謂暢墨名聊汎應，論周陰助豈誠然。
平生親切冠巾語，欲發還休亦可憐。

九月晦日過鎮州宿趙徵士皇極道庵

榛酷姦訛禍世親，翁張那復見真淳。
藏來龜六終留殼，調中阻三已自塵。
符藥真能度衰俗，樵漁却恐有幽人。
摩挲石刻皆名筆，庭下寒花不似春。

庵取象龜藏六

宿趙山人房有懷

書劍南游氣吐蜺，歸來華髮首難低。
江山應識千年鶴，豪傑空慚半夜雞。
物外有天藏太古，人間無地種三賢。
文集因靜修卷之三

宣

丹萋想思日暮一杯酒，望斷碧雲何處樓。

宿龍宮

擬欲題詩贈白雲，且傾濁酒洗塵氛。
閑將談笑論當世，卻喜稱呼是隱君。
天柱舊曾分戶帖，神林今又有移文。
夜深長鋏悲歌罷，此曲山靈恐未聞。

玉乳峯

亂山如擁欲爭先，惟許孤峯入馬鞭。
舊見劍光曾犯斗，誰教箭苦亦通天。
只應絕頂千年石，中有齊州九點煙。
安得凌風乘此去，東游滄海看桑田。

洪元宮

明日擬到天城

樹邊平野接晴霞
脚底清江走白沙
方外道人留客
住門前塵世倩
山遮自慚烟實
無多暇更有行
爲第
一家煉雨兩坡
皆古木與來便
作上天樣

唐張忠孝山亭故基

斷碑藩鎮記當時
杯酒談兵少牧之
山色何曾間今
昔人才初不限
華夷水波風起
心猶壯木杪秋
生鬢
已知莫更侯雲
臺上望武陽禾
黍亦離離

雙清空堂遺趾

心遠由來地自偏
若分心跡已非賢
結廬人境元無
害跨鶴揚州更
雨全石頂經龕
有隨處山中學
館竟
三賢文集
靜修卷之三
宣
何年馬頭果要
爲初祖擬問西
巖借一廬

張氏西園

水府生煙晚更蒼
翠陰含雨暗生
凉人間豈有赤
松
子天上應無綠
野堂一日平原
驚客散千年郭
隗又
臺荒誰教老樹
夕陽在留與憑
欄遣興長

賈氏溪堂

澹澹春波遠更宜
丘山華屋揔成
非來今往古年
華
在原地高天人
力微世上紅塵
無此客杯中明
月有
清輝燕南盛事
君須記曾爲東
湖盡醉歸

憇謁山寺

石田霜落晚蕭騷一徑禪扃亦自高九萬里風安脫
駕三千世界等秋毫山哀自苦天相罩秋老不禁詩
太豪西望雙龍有高隱結庵終擬近林臯

會飲北山

相逢相飲莫相違往事紛紛何足悲別後幾經滄海
淺歸來豈止昔人非此山變滅終如我後會登臨知
與誰今古區區等如此不須辛苦嘆斜暉

暮春山游

萬山傍逸翠爭新兩澗平分月有鄰木杪柴關如看
畫松陰苔徑欲凝塵浮雲柳絮人間世流水桃花物
三賢文集 靜修卷之三 重
外春杯酒狂歌極浩蕩野煙晴樹望中勻

春日游山

川氣迎晴澹作春泉聲招客浩如神隨時俯仰有魚
鳥乘興往來無主賓碧水白鷗心共往浮雲蒼狗態
誰真平生經濟程夫子年少看山意已親

不是吾儒
本經濟等

閑爭肯出山來
明道少作也

西山雅會

山色舊無今日濃雅期新得與君同胸懷霽月千年
後尊酒春風一月中靜裏乾坤無彼此眼中花柳各
青紅高情久已忘琴了誰管殘陽送去鴻

水北道館

曾從氣朗看春朝始信蘭亭水石遙物外壺公能避
世山中巢父不知堯波間明月隨吾取松上白雲如
見招曉策重來有成約無妨談易對漁樵

有懷

百年身世付秋毫萬里雲霄有羽毛樓上詩成山欲
動眼中人去氣誰豪崔嵬自可兄呼石憔悴直須僕
帝驂尊酒論文復何日西風迢遞暮鴻高

九日客至

有人車馬訪柴桑怪見寒花滿意黃莫對西山談世

三賢文集

靜修卷之三

高

事試將華髮照滄浪淵明不與白蓮社程子猶憐綠
野堂他日燕南話耆舊此回風味亦難忘

除夕

莫道春風室罄懸試看孤影伴頽然浮雲往事空千
變清鏡明朝又一年頭上無繩繫白日胸中有石補
青天幾時能了西山約六角黃牛二頃田

秋夜

已喜山深稱野情每慚無物慰諸生人貪日課不時
睡雞爲誦音長早鳴病後端居信張詠靜中未發有
延平誰知今日絕絃意卻恐人間知此聲

又

坐因沉思強起行虛庭涼露下無聲爲爾寂寂人莫
笑不肯碌碌君何成萬古典亡天亦老百年身世夜
難明情知不爲學仙去也欲蓬瀛寄此生

新曆

山家曆日年年有林鳥闌花報四時建戌預求尋藥
月逢辰要及種瓜期胸中堯典二三册夢裏幽風第
一詩餘韻千年宛如在晴窓捲卷不勝悲

偶成

自覺筋骸老漸頽曾經墜春度危關清霜烈日留身
三賢文集

靜修卷之三

五

後秀氣春風滿座問後有頽波知庠柱莫教秋色避
南山雲鵬稅駕今無地美殺江鷗儘日閑

放詞

莫道人生能幾何金銀宮闕亦無多垂楊流水輕風
裏碧落銀河暮雨過天地此身真逆旅雲山到處是
行窩九原喚起堯夫老我舉一杯君試歌

野興

得意江山入酒尊乾坤清氣未沉淪莫思世事兼身
事不薄今人愛古人明月清風無盡藏野花啼鳥一
般春客來惟說烟霞好只恐先生醉後真

秋郊

行過青林徑欲還誰家茅屋在林間雲初湧出半含
雨風漸吹開微露山世味嘗來知懶貴物華老盡覺
秋閑天教勝境爲詩敵未許幽人穩閉關

西湖

水竇深藏十畝烟賣書真欲買魚舫數椽破屋已白
足四海虛名良可憐醉後不知清露下典來擬共白
鷗眠濂溪謾有當年志老去而今只愛蓮

對菊

迂踈不辨一身謀鬢髮空添四海憂書本流民今復
三賢文集靜修卷之三重

見詩家逃屋爲誰留黃茅安得千間厦白布空歌萬
里裘政有南風曲中意可能獨醉菊花秋

憫旱

農父看雲淚亦乾靈湫誰信欲生烟萬金良藥汗猶
出一寸丹心天可旋未便無食思樂土不禁憂國願
豐年爲瞻河漢中霄起獨對殘燈理斷編

城樓待雨

雨入江樓勢欲吞雷轟何止語難聞未憂彼岸將爲
壑只恐吾山盡化雲風伯爲誰能卻敵物華依舊嘆
如焚百年人事今如此猛拍闌干怨夕暉

溪光亭看雨

萬山齊擁白煙來木杪先聲失怒雷
海岳奔崩換毛骨乾坤收歛入胚胎
龍公所蘊有如此塵世一清何壯哉
坐看神功空束手夕陽華髮對蒼苔

積雨

萬象何爲入杳冥懸知物外自高明
前年憂旱有今歲半月閉門如一生
捧日謾勞中夜夢補天誰識寸心誠
陰雲政使高千丈坐愛魚頭恐未平

秋霖

春早泥倉恐謾傳誰從積雨得豐年
麻衣有垢供秋

三賢文集

靜修卷之三

五

蘚土銼無文換曉煙果爲松薪禁明月
真教斤鹵變桑田胸中幾許晴霓在
四海霖霑獨慨然

次韻閔雨

已酉豐凶不偶然今年千里土生煙
夢游樂國每嫌覺望見仙雲猶酷憐
畢竟蛟龍思得雨何勞蟻虱謾呼天
山人萬慮消磨盡惟有憂農阻靜便

癸酉大雨次人韻

黑風吹海入天瓢誰信銀河直下潮
渾池只疑還太古規模欲復唐堯衣
冠半夜方孤坐塵溷千年共一漂
且喜開簾見白日不須隴畝問秋苗

海南島

越鳥群飛朔漠濱氣機千古見真純
紇子風景今如此故園園林亦暮春
精衛有情啣太華杜鵑無血到天津
聲聲解墮金銅淚未信吳兒是木人

白海青

一名玉瓜駿

扶餘玉瓜舊曾聞青鳥猶霑海氣昏
掌上風標有如此眼中神駿更憐君
萃蕪未灑頭鵝血春水誰開獵騎門
過鴈昏鴉莫回首霜拳高興在空雲

爆栗

山家愛客夜留連奮發驚聞一栗先
鑿竅誰言無渾

三賢文集

靜修卷之三

夏

沌弄丸今喜得天全香甘合用金甌
選冷淡那容玉版禪回首燕秦幾陵
谷眼中繁富竟何年

近世山家避粟稅往

往伏去

飲江漢白

高亭飲興動江山爲捲灘聲入座間
糟麴真能釀滄海魚龍直恐盡神奸
襄流謾說葡萄暖仙國會分玉液慳
聞道兵塵埋楚甸一杯誰與洗愁顏

薔薇酒

顏色醱醱茉莉香琉璃到手會須嘗
一杯滄海泡成幻萬古花菴醉有鄉
涼冷併收天水碧輕浮猶帶女

真黃錦囊盡貯春風在別是仙家不老方

服食家有餌蓄蔽法

黃精地黃合釀甚佳名以地仙酒

僊家名品對巖峩誰信幽人用物多酒面白雲招我

在杯中華髮奈君何西山秀氣斲欲盡易水寒聲釀

亦和未望天行至千歲舉觴當和紫陽歌

雲臥天行非予敢議

守一處和千二百歲晦翁調息箴也

玉柱雙清香

二氣元從太極分浮雲起滅見來真白虹貫日蒙華

散底柱中流意象新方寸有靈涵大塊頭顱無物隔

蒼旻藍田萬頃煙生玉未辨晴窗半穗春

心無外體無間吾薰

三賢文集

靜修卷之三

竟

爐銘也

反垂柳短吟

偃蹇高松雪漫飛最憐憔悴綠楊枝青絲曾識鶯聲

軟黃葉俄驚馬足遲有分只偷春色早無心要結歲

寒知不應再得東風力更與行人管別離

次韻劉尚書尊號禮成

萬姓瞻天仰泰階老人星現五雲開混同直擬千年

論積累無從百世來含哺豈能逃帝力有根無不待

春雷舉頭日近長安遠葵藿傾心卽壽杯

答或者以所注孫子見示

學術兵農豈盡無規模如此亦區區權書不免增多
口霸論誰教混一塗親手申韓如果有許身管樂未
全誣千秋萬古中庸在留與橫渠作後圖

邵公武讀
書志有橫

栗少年註尉
繚子一卷

二

誰遣歐陽筆有神微詞端不赦堯臣樵夫見笑寧無
媿童子羞稱亦可人但得躬畊全性命猶勝偏霸在
風塵芟蕘一語宜深聽樓上元龍且莫嗔

次韻答范陽郭生

默坐誰窺樂境深無絃初不用知音曲肱睡起亦何

三賢文集 靜修卷之三 章

事弄月歸來徒自吟多媿寄書勤訪道未嫌傾蓋卽
論心西山百里平如案欲認東州煙雨侵

次韻答趙君玉

萬古西山翠不休一菴今在白雲頭開軒招月淡相
對倚杖聽泉清可收已喜陵空有高興豈知臥病阻
同游南湖燈火十年夢舊好何時得重修

來詩有千
巖萬壑春

風動安得陵空訪
靜修之句故及之

傳彥和壽予詩以韻答

遜世今成壁立山傷時時復井生瀾希夷老不留張
詠康節初曾笑謝安歲月妬人雙鬢老江山分我一

杯歡因君喚起扁舟與擬畫臨流白帽間

次韻答王之才見寄

瀟瀟霜葉打窓疎耿耿寒燈伴獨居鄉議謾評康節
僻後賢方識子雲書詩成已被三緘戒臂穩因思九
折初明日相望在何處青山佳處卽吾廬

次韻答張夢符

癯然一榻臥成痕多病人疎自古云執別三年猶念
我閒緘千里若逢君家聲舊仰遼東鶴才望今稱冀
北群每憶琴尊前日雅幾回搔首賦停雲

寄張之傑

三賢文集

靜修卷之三

五

便擬庭闈捧檄過直須隨俗苦揚波一瓢有樂誰云
細三釜無歡亦謾多戰國遺風餘管樂南朝清議尙
王何見人時樣知吾拙獨誦滄浪太古歌

寄彥通

青芻白飯思悠然燈火山亭暮雨前不意相思渾百
里直教一別動經年久甘分席樵夫下敢望過門長
者先自是煙霞愛招客可無佳句助清妍

示彩麟

相思擬話百年情燈火直須徹夜明繼志未高班氏
史隆師何用鄭公名人間忠孝寧無責學行須先

有盟欲寄君詩仍感泣野夫能有幾門生

示有寄

南鄰新贖北鄰醉莫忘蓮湖舊釣臺根底自宜留故
土焰中真見有寒灰短長無就相形看消息當從旣
往推遙想西城共登眺水光山色亦悠哉

付阿山謂

十畝荒田不自耕半空樓觀幾時成人因遇困方言
命我爲求奇反喪名此去要知燈是火向來空指鷓
爲羹新詩銘在山童口百過高歌告乃兄

送董巨濟尋親

三賢文集

靜修卷之三

三

花繞東鄰竹馬鞭春隨西舍板輿肩白雲尙在棲遲
地緣服俄驚喜懼年樵爨定知生處樂兒孫多向老
來憐阿翁別後還家夢比擬思親恐未偏

送人官湖西

江海十年幾戰酣劫灰飛盡到畊蠶亂離文物想猶
在周幣徵科恐未堪眼底興亡卽今古胸中形勝欠
東南因君漸有扁舟興佇待清風洗瘴嵐

送人官吳中

天徹藩籬要混通古來佳麗數吳中送君如對秋風
起恨我不隨江水東五瘴可妨鄉土異孤雲須念母

心同畫圖留取風煙看莫趁并刀一剪空

張仲賢宣慰淮東過余山中臨別贈詩庸見定
交之意云

昨夜相逢終夕話今朝送別百年情世緣盡付禪心
在官况併隨詩景清此日捄焚猶有望他年勇退豈
無盟知君苦愛希夷老莫厭山深不寄聲

郭太守提舉松江

蔡公聲望動江東應識頭顱肖外翁陵谷初經新化
日尊鱸不似舊秋風看雲正要忘憂計避瘴無如寡
欲功萬里吳松憑寄語并刀明日試胸中

三賢文集

靜修卷之三

三

贈韓道人

積學輸君氣稟真胸中鵬賦自凌雲靈砂換骨知何
物道籙降心亦謾云銅泣露榮經幾見鶴言華表竟
誰聞風流大父承平事賴有當年李少君

韓及識余
先大父今

百三
歲矣

贈司馬道士

仙界清涼亦陸沉風流儒素渺難尋白雲自解留佳
客青幘端能燥壯心知已未論鵬鳥賦移人先聽水
仙琴野夫近有南來興乞我庵前十畝陰

司馬氏曉
川名家後

此或謂清
家境界

贈趙丈八十詩并序

趙丈字澤民金義宗初年應科中大律下第
一授商州知法尋除左部檢法遷新息令北
渡客順天中統初擢爲左三部司正致仕景
州判官爲人樂易寡默嘗與先人同應真定
宣撫司辟召故予以父執事之今年八十餘
里人好事者縻其壽諸公爲賦詩而求余倡
焉

律學專門自可疑更從報施論心期干戈留在三章
法松菊歸來兩鬢絲再世通家惟此老百年涉世亦

三賢文集

講修卷之二

壽

吾師平生辨作者英序慚媿胸中壽域碑

都山劉丈九十詩卷

感事還悲負米身此生無復九齡親干戈誰共知年
喜天地猶全愛日真只擬商顏亦秦土豈期唐水尚
堯民胸中壽域平生在開卷題詩覺有神

訾相士詩卷

形聲感物卽天成善惡因心有相生人事百年隨反
覆天容一日幾陰晴僕夫蒼旒何妨其斯役王門未
可輕不向訾家洲上醉胸中風鑿恐難平

題贈邨道人詩卷

開卷煙霞着莫人
柴芝瑤草憶芳尊
法筵古禮存三代
野服遺風見一痕
唐水堯山猶樂國
葛洪張果有仙村
何時輦母東鄰了
老婦烹茶自應門

渡白溝

劍門霜落水天愁
匹馬衝寒渡白溝
燕趙山河分上鎮
遼金風物異中州
黃雲古戍孤城晚
落日西風一鴈秋
四海知名半凋落
天涯孤劍獨誰投

遂城道中

鐵城秋色接西垣
遠客還鄉易斷魂
霸業可憐燕太子
戰樓誰吊漢公孫
冷煙衰草千家塚
流水斜陽一三賢文集
靜修卷之三
點村慰眼西風猶有物
太行依舊壓中原

鎮州望抱犢山

亂山西去獨崢嶸
合在仙經第幾名
物外高閑真有意
亂來險固不堪驚
太行穠秀霜洗盡
全趙規模天鑿成
珍重幽人留顧盼
封龍英爽未全平

避暑玉溪山

風露撩人儘力清
也應知我到禪
扇秋聲滿谷有生
山意帶煙成
遠形皎月欲升天
失色白雲初出樹
留青侘年若訪經
行處合有先生避暑亭

溪光亭小憩

尋涼隨水到溪亭十里綠陰慙鳥聲自惜形骸恒世
故豈知風露已秋清白雲似與山爭秀落日放教川
盡平六月農家獨赤地登臨舒嘯若爲情

留題山房

靈風縹緲竹花飛怪石參差樹影齊壺裏有天藏日
月杯中無海飲虹蜺松生太古鶴應識路入白雲山
蓋低萬里黃塵一回首微茫烟水意悽迷

水門庵

池煙林影淡無姿物外高寒雨石磯雲外流行寧有
跡乾坤俯仰自相依波涵晴景動猶靜鳥戀幽人去
三賢文集 靜修卷之三 真
復歸回首塵緣吾未了靈風且莫故吹衣

井陘淮陰侯廟

君臣尙詐日生疑誰與乾坤息戰聲未論恃功羞伍
會試看觀變要王齊良能用漢氣無敵蕭可制韓才
自伍枉爲虛名誤忠節五陵煙樹亦淒迷

登高有感

疎煙晴曉散輕寒秋色滿林霜意閑今古消沉幾白
日乾坤灑落一青山半生心苦頭先老兩姊增荒淚
未還瞬息西風解千里登高聊爲送餘漣

樓觀參差接大荒五雲分我白雲鄉臥之地上太行
小來自帝傍春夢長灑露明河氣蕭瑟黃塵落日烟
蒼茫清風簾外問何客立鶴飛鳴天一方

春遊

巧穩林亭無四鄰青山向水得天真風光正及二三
月童子同來六七人十日得閑須小醉一年最好是
深春鳥聲似向花枝說曾見無懷有此民

新秋

俗物何曾擾病懷憐渠孤憤若爲開人生如此亦安
用野鶴翩然去不回萬古青天留月在幾聲白鴈送
三賢文集 評修卷之三 毫

秋來西城無限峯巒好擬對一峯傾一杯

秋夕

西風吹掩讀殘書慨想平生時自呼度日悠悠良可
惜軒天磊磊未應無才名莫要驚人甚覈論終當與
禍俱長嘯一聲秋意滿無邊霜葉下庭燕

夜坐有懷寄故人

幾葉疎桐萬斛秋四山清露一窓幽高情千古謝安
石壯志平生馬少游有錯真成六州鐵欲還空說大
刀頭悠悠且付天公在未必蒼生待爾憂

秋望

天從朝雨霽來寬日到平蕪盡處還嘆老自非緣白
髮愛問元不爲青山洛陽懷古真豪聖李白學仙亦
強顏何處蓮花有仙掌不妨招我暮雲間

秋日有感

自覺規模日蹙然初心道德負中年仰觀俯察無多
地往古來今共此天出處不論三代後刪修直探六
經前南山正在忘言處目送歸鴻手絕絃

癡坐

野人癡坐靜無邊愚弄從渠兒戲然或智或愚能幾
里一鳴一止又千年俗流在眼何妨病細故經心信
三賢文集 靜修卷之三 夏
未賢究竟誰能離此世孤山絕頂送華巔

盆池

青蛙昨夜聖來鳴斗水那容掉尾鯨白髮驚魚應百
我扁舟捉月記三生荷風拂面秋先覺苔露生波晚
更清我欲江東鑑湖老天河早爲洗南兵

虎甲

氣勢江淮一旦空故教金甲虎生風崢嶸鐵騎千夫
勇凜冽寒威百獸雄不信豺貅禦萬竈豈知狐兔動
幽叢聖朝千古征南錄亦有孫君治造功

黑馬酒

仙酪誰誇有太玄漢家捫馬亦空傳
香來乳面人如醉力盡皮囊味始全
千尺銀馳開曉宴一杯瑠露灑
秋天山中喚起陶弘景轟飲高歌
救勒川

賦孫仲誠席上四杯

仲誠命題
彥通舉韻

隴鳥回頭意若何剗腸欲我鑑紅螺
微茫山意詩痕在澗濱江聲飲興多
聖處已分糟與鱗醉來唯見酒成波
千年醒殺江魚腹應恨生身在淚羅
一作注瓦
傾銀竟若
何紅珠元稱捲金螺微茫山意詩痕在澗濱江聲飲興多聖處已分糟與鱗醉來微見酒成波千年醒殺魚蝦腹且莫乘流問淚羅

右螺

三賢文集

靜修卷之三

夏

碧筒和露捲晴霞錦浪隨鰲落晚沙
風趁歌聲來弄葉酒知人意要浮花
胸中壁立三峯玉醉裏神游太一家
明日清霜看紅翠人生容易鬢成華
一作江鄉
雲錦爛晴
霞海浪鯨魚落魄晚沙烟影橫橋淡留月露香芳酒淺浮花風流玉井三峯夢浩蕩蓮舟太一家明日秋霞
減紅翠人生
休遣鬢成華

右荷

希夷尊俎永相望混沌鑿開見此觴
金橘有天容逸老青田無地避餘香
雲中招隱留仙掌物外尋真得

醉鄉試向峩肩問啼鳥人問紅雨幾斜陽
一作希夷
尊俎永相

莘混沌鑿開見此觴霜橘有天容逸老金橙無地避
餘香人問王母留仙種物外秦人有醉鄉試看累累

花下塚莫教
紅雨怨斜陽

右桃

後蜀紀劉先祚進桃核杯云得之華山陳博邪康節謝人惠希夷尊詩有仙掌峯巒

蕭湘千樹暮林平風露詩腸快一傾蜜戀金絲仍可

意香分綠蟻最關情洞庭春色元無恙南國幽姿謾

濁清誰辨酒船千萬斛棹歌和月捲江聲一作瀟湘千樹暮雲

平風露詩腸快一傾蜜戀金絲仍可意香尋翠袖亦多情江陵春色元無恙楚澤幽蘭恐未清惟有酒船

齊和凱歌聲

右橙

刪錄以韻卽席課諸生東齋諸物七首

三賢文集 靜修卷之三

草

遠山筆架痕字

何物能支筆萬鈞按頭依約遠山痕燈橫煙影隱猶

見秋入霜毫勢欲吞掌上三峯看大華人間一髮是

中原中書未免從高閣不向林泉怨少恩

折疊簡牌筠字

誰將霜縹漆霜筠幾葉齊分楚夾勻眼底有無真亦

僞掌中舒卷屨猶伸墨雲難染秋天關碧玉還思曉

露新他日不須焚諫草一方何處覓緇磯

梅杖杖字

鐵石心腸冰玉姿掌中消得歲寒枝天教一握藏春

密風覓餘香就手吹雪月冷懷隨步履溪山高興入
支頤玉堂若要扶持用說與東君也不知

竹瘦知字

爲憐鶴髮久雙垂秀出龍孫第一枝鑿破誰言混沌
死彈來未有歲寒知天材擁腫吾當取時樣裝嚴彼
亦宜風月不妨時角出清霜難旁老頭皮

醉梨寒字

白雪春香洗未殘玄霜誰遣凍成團漆封圓顆盤增
滑蜜和濃漿齒避寒綠蟻從今忘病渴金花無地着
餘酸快人風味依然在莫作尋常軟熟看

三賢文集

靜修卷之三

臺

玉簪香字

花中冰雪避秋陽月底陰陰鎖暗香玉瘦每憂和露
滴心清惟恨有絲長且留宛轉圍沉水莫遣聯翩入
粉囊只許幽人太相似蒼苔疎雨北窓涼

秋蓮空字

瘦影亭亭不自容淡香杳杳欲誰通不堪翠減紅銷
際更在清江月冷中擬欲青房全晚節豈知白露已
秋風盛衰老眼依然在莫放扁舟酒易空

西瓜

一片秋風落漢城人問無復渴塵生鑿開混沌星辰

出碾碎瑤瑤風露清胸次冰霜惟我在口邊糖蜜向
誰傾爛腸莫道遮藏得黑子紅心到底明

又

一團天露暗藏春多少人間渴死人面上風標儘水
雪胸中文彩爛星辰弄丸我是希夷老鑿竅誰窺混
沌真沃沃君心甘剖腹乾坤一闕要清新

貧士

貧士出門多掣肘聞君幾次謾徘徊不思學館三年
舊肯爲山翁百里來久倚通家畧賓主新知不飲罷
尊罍殷勤莫厭通宵話聽說天明卽欲迴

三賢文集

靜修卷之三

臺

故人見訪山中

客子畏人常簡出病來庭戶益荒蕪多時畧闕通書
問遠路遙慙送藥須掃地預占燈燼喜敲門遙認草
亭孤故人知我無供給故着看山慰野夫

次韻答河間趙君玉見寄

出門紛擾互相尋常使幽人懶病深前月借書來水
北去年採藥到城陰黃精已倩徐生斲蒼术新教石
老尋只有烟霞肯賒借無人曾送買山金

憶郝伯常

一檄期分兩國憂長纓不到越王頭玉虹醉吸金陵

月玄鶴孤遊赤壁秋漠北蘇卿回首天南王粲幾
登樓飛書寄與平南將早放艘船下益州

涑陽李文九十壽

九十餘年何限事向人惟捐鬢毛霜偶因飲酒驚遲
醉不信看書託健忘還拜喚扶緣敬客近游多步爲
居鄉自慚犢子顛狂在世故艱難未備嘗

壽田處士

慷慨燕南烈丈夫半城和氣溢閭閻仕途盡看鼠爲
覓若輩卻教龍作魚勤苦十年經子史風流千古畫
詩書交遊剩有名公在未許丹青作弊廬

三賢文集

靜修卷之三

臺

何太夫人生日

夜夜東鄰有香火高門因得百年心蟠桃結實世誰
見隆棟駭人根自深經卷病餘猶早起絲車老去亦
親臨久知吾友閒居意惟願慈顏事不侵

偶得

血氣雖衰志愈真年來溫故覺知新久貧多得鄉閭
歎漸老惟於道義親日月消磨三事樂乾坤俯仰一
閒人幾時卜築唐溪上分得堯民五畝春

二

自覺筋骸老漸頑曾經豎脊度危關清霜烈日留身

後秀氣春風拂坐間自有頽波如底柱莫教秋色避
南山雲鵬稅駕今無地羨煞江鷗盡日閒

次韻答石叔高

昨屈干旌到弊廬新時曾許鳳凰雛閑中無地宜三
徑天下何方是五湖抱膝長歌憶梁父曲肱高臥著
潛夫朝廷別有真儒在莫道斯文賴我扶

次韻答劉仲澤

世態年來一笑餘易川高興賦閑居靜中一點書前
易身後數行言外書不食可憐周二子獨醒休笑楚
三閭囑君早了治安策柱對寒窓嚼子虛

三賢文集

靜修卷之三

五言

自釋

嘗憂身口累心期溝洫高明恐易遠仲子不能分跬
粟伯夷終是食周薇胸中耿耿獨如此天下滔滔誰
汝歸洗耳沈江狂狷子也應猶笑我隨機

次韻叩泮宮

誤我儒冠一不成劍華擗落動江城心飛北闕知天
遠夢入南荒覺地傾磊落中原千古鹿淋漓滄海一
杯鯨太平自有諸公在誰向南陽問孔明

哭中也

悲來思汝不可置揮淚問余何所悲青欲出藍今遽

爾白能受 采復誰期 粥杯屢進 知君薦藥 裴親嘗豆
我欺從此 塵編只獨理 不堪燈火夜涼時

哭王之才編修

草草離觴 記去年誰知 此別是終天 傳雖成瘁 今安
用史未爲 榮應自憐 四座高談 宛猶在一 經白首竟
無傳交朋 日與來書 少不過西州 亦泫然

千戶喬侯挽詩卷

拱木秋聲 尙凜然 平生鄉國 愧幽燕 千家聚落 邱山
皆四海 牢籠勅勒 天龍虎 風雲空一夢 關河形勢 記
當年重侯 累將應 須念創立 艱難 亦可憐

三賢文集

靜修卷之三

三

孫沁州哀挽

驚看哀詠 爲君傷 一面十年 不易忘 秦府舊稱 天下
選燕人 元有北方 強平生 豪氣餘 丘土寤寐 神交只
月梁 聞說 條陳有 遺草 承家洗 眼看 髯郎

哭母族李涑陽

先人北還 生於公家 吾母卒 因寓葬焉 後因
從先人南遷 十年之間 公率家人 拜掃不廢
其死也 詩以識哀 因自敘云

亂餘家破 苦顛連 生者安居 死暮州 家厚
施瑞瑤 終擬奠 新阡 餘仁尙墮 千夫淚 遺業 惟存二

子賢一寸棘心思母切不堪重詠哭君篇

挽李漢卿

十載從軍苦未遇直教窮死易堪哀交遊有酒能知
已天地無心解愛才孤子猶尋宋硯泣奚奴不復錦
囊開南兄久客應相識爲向護東醪一杯

三賢文集

